

Na temelju članka 11, 12, 13 Zakona o udruženjima i fondacijama («Službene novine Federacija BiH», broj 45/02), Skupština udruženja «**Glamočki krompir**» na sjednici održanoj dana 13. 11. 2023. godine donijela je

STATUT

OPŠTE ODREDBE

Član 1.

Udruženje «Glamočki krompir» (u tekstu Udruženje) oblik je slobodnog udruživanja građana koje djeluje u skladu sa odredbama ovog Statuta i Zakona o udruženjima i fondacijama Federacije BiH a sa ciljem promovisanje i razvijanje svih oblika poljoprivrede, zdrave hrane te poljoprivrene proizvodnje i značaja zaštite geografskog porijekla proizvoda, organizacija manifestacija, seminara, sajмова, izdavanje štampanih publikacija.

Član 2.

Udruženje svojstvo pravne osobe stiče upisom u registar udruženja građana koji se vodi u Ministarstvu pravosuđa i uprave Kantona 10. Za preuzete obaveza Udruženje odgovara svojim sredstvima. Udruženje zastupa osoba koju odredi Skupština Udruženja. U određenim stručnim poslovima Udruženje kao pravnu osobu može zastupati opunomoćenik kojeg za to ovlasti Skupština Udruženja.

Član 3.

Puni naziv udruženje je Udruženje „Glamočki krompir“. Skraćeni naziv udruženje je „Glamočki krompir“. Sjedište udruženje je na adresi Ulica Ive Lole Ribara bb, 80 230 Glamoč.

Član 4.

Udruženje ima pečat koji je okruglog oblika, prečnika 35 mm na kojem je latiničnim slovima kružno napisano „Glamočki krompir“ a u unutrašnjosti se nalazi slika stabljike krompira. Skraćeni naziv Udruženje je „Glamočki krompir“.

Član 5.

Udruženje ima svoj znak (logotip) na kojem je predstavljena stabljika krompira.

Član 6.

Udruženje djeluje po načelima javnosti, kolegijalnosti, odgovornosti, reizbornosti i demokratskog odlučivanja na teritoriji Kantona 10.

Član 7.

Udruženje djeluje samostalno i nezavisno, u skladu sa svrhom, ciljevima i zadacima te planovima i programskim načelima rada koje donosi Skupština Udruženja.

SVRHA, CILJEVI I ZADACI

Član 8.

Programski ciljevi Udruženja su: promovisanje i razvijanje svih oblika poljoprivrede, promovisanje zdrave hrane te poljoprivrene proizvodnje i značaja zaštite geografskog porijekla proizvoda, organizacija manifestacija, seminara, sajмова, izdavanje štampanih publikacija i sve aktivnosti koje doprinoste zaštiti i predstavljanju glamočkog krompira kao proizvoda po kojem je Glamoč poznat,

Član 9.

Svoje zadatke Udruženje ostvaruje kroz organizaciju djelatnosti i sadržaja na principima kolektiviteta, društvene kohezije i održivog razvoja i to:

- razvoj lokalne zajednice,
- zaštita životne sredine,
- organizacija kulturno-zabavnih događaja,
- organizacija tribina, seminara, javnih rasprava, konferencija i terenskih nastava u skladu sa ciljevima Udruženja,
- terenska istraživanja,
- izdavanje časopisa, brošura, vodiča i drugih štampani publikacija, pokretanje web stranice sa ciljem promovisanja Udruženja,
- saradnja sa udruženjima istih ili sličnih programskih ciljeva,
- popularizacija glamočkog krompira kao proizvoda po kojem je Glamoč poznat,

Član 10.

Radi ostvarivanja svrhe, ciljeva i zadataka, Udruženje se može povezivati i saradivati sa drugim društvima i organizacijama u BiH i inostranstvu koje u svojim programima rada imaju iste ili slične programske ciljeva.

ČLANSTVO

Član 11.

Članom Udruženja se postaje dobrovoljnim pristupom, prihvatanjem pravila, obaveza i prava koji proizilaze iz Statuta Udruženja.

Pri učlanjenju ispunjava se pristupnica, a odluku o prijemu donosi Upravni odbor.

Članstvo u Udruženju se dokazuje ispunjenom pristupnicom.

Član 12.

Član Udruženja ima pravo:

- Da aktivno učestvuje u radu Udruženja
- Da učestvuje u donošenju odluka
- Da bira i bude biran u organe Udruženja

Član 13.

Dužnosti člana Udruženja su:

- Da se pridržava programskih ciljeva definisanih Statutom Udruženja,
- Da aktivno učestvuje u izradi i realizaciji projekata Udruženja,
- Da čuva ugled Udruženja.

Član 14.

Članstvo u Udruženju prestaje:

- Dobrovoljnim stupanjem
- Isključenjem (od strane Upravnog odbora)
- Smrću

ORGANI DRUŠTVA

Član 15.

Organi Udruženja su:

- Skupština Udruženja
 - Upravni odbor
 - Nadzorni odbor
- Ovlašteno lice za zastupanje i predstavljanje udruženja je predsjednik Upravnog odbora

I-SKUPŠTINA

Član 16.

Skupština je najviši organ Udruženja.

Skupština može biti redovna i vanredna.

Redovna Skupština se saziva najmanje jednom godišnje, a vanredna se saziva po potrebi.

Skupština ima svog predsjednika i sekretara kojeg imenuje predsjednik Skupštine Udruženja.

Član 17.

Skupština Udruženja:

- Donosi Statut njegove izmjene i dopune
- Donosi programske osnove rada Skupštine
- Bira predsjednika Skupštine,
- Bira Upravni odbor, Nadzorni odbor,
- Ocjenjuje rad organa i prihvata njihove izvještaje
- Odlučuje o otuđivanju nekretnina u vlasništvu Udruženja
- Donosi odluku o prestanku rada Udruženja

- Obavlja i druge poslove određene zakonom i drugim propisima, ovim Statutom i drugim opštim aktima Udruženja

Skupštinu čine svi punoljetni članovi Udruženja. Skupština se može održavati ako je prisutno više od polovine članova Skupštine.

Sve odluke i zaključke Skupština donosi natpolovičnom većinom prisutnih, osim u odlučivanju o prestanku rada Udruženja kada je potrebna dvotrećinska većina ukupnog broja članova Skupštine.

Član 18.

Skupštinu saziva predsjednik Skupštine koji je ujedno i predsjednik Udruženja čiji mandat traje 4 godine. Vanrednu Skupštinu može sazvati i Upravni odbor kao i 10 članova Skupštine uz prethodno obrazloženi zahtjev za sazivanje Skupštine upućen predsjedniku Skupštine koji bez obrazloženja istu nije sazvaio.

Član 19.

Radom vanredne Skupštine rukovodi radno predsjedništvo koje se bira iz reda prisutnih članova. Do izbora radnog predsjedništva Skupštinom rukovodi predsjednik Upravnog odbora ili osoba ovlaštena za sazivanje Skupštine.

Član 20.

Skupština može pri izboru Upravnog odbora odmah izabrati predsjednika i sekretara i druge rukovodeće članove, ali može odluku o njihovom izboru prepustiti članovima novoizabranog Upravnog odbora da to učine međusobno na prvoj konstitutivnoj sjednici.

II-UPRAVNI ODBOR

Član 21.

Upravni odbor čine 3 člana izabrana od Skupštine Udruženja čiji mandat traje 4 godine. Upravni odbor ima predsjednika, potpredsjednika, te člana zaduženog za materijalno-finansijsko poslovanje. Upravni odbor donosi odluke većinom glasova.

Član 22.

Upravni odbor Udruženja je izvršni organ Skupštine i odgovoran je Skupštini. Upravni odbor obavlja slijedeće poslove i zadatke:

- Vodi brigu o promjeni Statuta i drugih normativnih akata Udruženja, te o primjeni valjanih zakonskih i drugih propisa o poslovanju Udruženja
- Provođi politiku, smjernice i odluke donesene na Skupštini
- Utvrđuje program rada, prijedloge i planove za rad pojedinih sekcija Udruženja i Udruženja kao cjeline, odlučuje o saradnji sa drugim organizacijama, ustanovama i organima,

- Donosi finansijske planove prihoda i izdataka tokom godine, prema potrebi usklađuje planove i odlučuje o materijalno-finansijskim obavezama Udruženja,
- Donosi i usvaja završni račun,
- Upravlja imovinom Udruženja,
- Koordinira i usmjerava rad postojećih sekcija i drugih tijela,
- Utvrđuje kriterije za dodjelu priznanja i daje prijedloge za dodjeljivanje priznanja istaknutim članovima Udruženja, kao i zaslužnim pojedincima-simpatizerima Udruženja,
- Raspravlja o izvještajima i usvaja izvještaje Udruženja,
- Priprema za Skupštinu izvještaj o svom radu,
- Ostvaruje saradnju sa srodnim organizacijama, preduzećima i drugim organima,
- Obavlja i druge poslove koje na njega prenese Skupština Udruženja, posebno ako se radi o imovini Udruženja, a sazivanje Skupštine nije moguće obaviti blagovremeno,
- Izvršava i sve druge poslove vezane za rad Udruženja, a temelje se na odredbama ovog Statuta, zakonskih i drugih ovlaštenja, a od interesa su za Udruženje.

Član 23.

Upravni odbor se sastaje po potrebi, a najmanje jednom kvartalno.

Sjednice saziva predsjednik ili potpredsjednik.

O radu sjednice Upravnog odbora vodi se zapisnik koji usvaja Upravni odbor na idućoj sjednici.

Upravni odbor je kolegijalni organ u kojem se ne isključuje odgovornost svakog pojedinog člana za svoj rad.

Član 24.

Upravni odbor je ovlašten koptirati do jedne trećine članova ako pojedinim članovima iz objektivnih razloga prestaje rad u Upravnom odboru, a u drugim slučajevima prestanak rada više od jedne trećine članova saziva se Skupština Udruženja.

III-NADZORNI ODBOR

Član 25.

Nadzorni odbor bira skupština Udruženja, a čine ga tri člana koji biraju predsjednika iz svojih redova.

Član 26.

Nadzorni odbor prati i analizira upravljanje sredstvima Udruženja, njegovo finansijsko i materijalno poslovanje, te nadzire trošenje finansijskih sredstava Udruženja.

Svi organi i radna tijela Udruženja su dužna članovima Nadzornog odbora dati na uvid dokumentaciju u cjelokupno poslovanje.

O svom radu Nadzorni odbor podnosi izvještaj Skupštini Udruženja, a o nalazima tokom rada izvještava Upravni odbor koji preduzima potrebne mjere da se otklone uočeni nedostaci i nepravilnosti.

IMOVINA, MATERIJALNA SREDSTVA I SREDSTVA ZA RAD UDRUŽENJA

Član 27.

Imovina Udruženja se sastoji od nekretnina, pokretnih dobara, stvari, prava i novčanih sredstava kojima Udruženje raspolaže i upravlja.

Imovinom Udruženja upravljaju organi određeni ovim Statutom.

Upravljanje i raspolaganje imovinom Udruženja mora se provoditi u skladu sa odredbama pozitivnih zakonskih propisa i propisa o materijalno-finansijskom poslovanju i u okvirima prihvaćenih finansijskih ustanova.

Član 28.

Za svoj rad Udruženje ostvaruje naknadu od:

- Prihoda od imovine kojima Udruženje upravlja,
- Pomoći i donacija,
- Poklona i drugih prihoda temeljenih na propisima,
- Dobrovoljnih i drugih priloga čije je sakupljanje namjenjeno određenim aktivnostima i djelatnostima Udruženja.

Član 29.

Svi prihodi i izdaci Udruženja utvrđuju se finansijskim planom koji donosi Upravni odbor Udruženja.

Finansijski plan donosi se za kalendarsku godinu.

Tokom kalendarske godine, ako bude potrebno, Upravni odbor može izvršiti rebalans finansijskog plana.

Po završetku kalendarske godine za koju je donesen finansijski plan, u skladu sa pozitivnim propisima, sastavlja se završni račun koji usvaja i donosi Upravni odbor.

PRESTANAK RADA UDRUŽENJA

Član 30.

Udruženje prestaje sa radom odlukom donesenom na Skupštini.

Udruženje prestaje sa radom sticajem okolnosti propisanih zakonom o prestanku rada Udruženja i drugih društveno-pravnih lica.

Prestankom rada Udruženja o imovini Udruženja odlučuje Skupština.

Ukoliko nije moguće održati skupštinu, odluku o imovini i prestanku rada Udruženja ovlašten je donijeti Upravni odbor Udruženja.

Član 31.

Poslije prestanka rada Udruženja na osnovu odredbi Statuta, imovinu, materijalna dobra, prava i obaveze preuzima slično udruženje ili opština Glamoč.

ZAVRŠNE ODREDBE

Član 32.

Upravni odbor priprema i utvrđuje prijedlog Statuta, kao i njegove izmjene i dopune i podnosi Skupštini na usvajanje.

Izmjene i dopune Statuta donose se na isti način i po postupku za njihovo donošenje.

Član 33.

Ovaj Statut stupa na snagu danom usvajanja od strane Skupštine Udruženja.

Broj: /23
Glamoč, 13. 01. 2023. godine

Predsjednik Skupštine Udruženja
«Glamočki krompir»

Jelka Vranješ